

На Велицей вечерни,

Блажен муж: **антифон 1. Стихиры на 8, глас 1. Подобен: О** дивное чудо!

1. Стих: Из глубины возвах к Тебе, Господи, / Господи, услыши глас мой.

2. Стих: Да будут уши Твои / внимлюще гласу моления моего.

О великое заступлѣние / печальным еси, Богородице Чистая, / скорая помощнице, спасение мѣра и утверждѣние, / мѣлости пучина, Божия мудрости истѣчнице, / миру покров, воспоем, вѣрнии, / светлый омофор Ея хваляще неизречѣнно: / обрадованная радуйся, с Тобою Господь, // подай миру Тобою велию милость. **[Дважды.]**

3. Стих: Аще беззакония назриши, Господи, Господи, кто постоит; / яко у Тебе очищение есть.

Дивный прорече Исѣаи: бѣдет бо, речѣ, / в последняя дни яже гора Господня, / и дом Господень верху горы, / увидехом же, Владычице, о Тебе истинное сбытие, / горы бо и холми украсишася многоименитыми церквами Твоих праздников. / Тем весело вопием Ти: / обрадованная радуйся, с Тобою Господь, // подай миру Тобою велию милость.

4. Стих: Имене ради Твоего потерпех Тя, Господи, потерпе душа моя в слово Твое, / упова душа моя на Господа.

О чудное украшение всем вѣрным еси! / Пророческое истинное сбытие, апостолом слава, и мучеником удобрение: девству похвала, и всему миру предивный покров: покрый, Владычице, омофором милости Твоея императора и вся люди, вопиющия: обрадованная радуйся, с Тобою Господь, подай миру Тобою велию милость.

Ины стихиры, глас 4, Подобен: Яко добля:

5. Стих: От стражи утренния до ноци, от стражи утренния,/ да уповае Израиль на Господа.

Яко богонасажденный рай,/ и место животного древа,/ напаяемо Духом Святым,/ Тебе, Богородице, сведуще,/ Творца всех рождшую,/ животным хлебом верныя питающа./ Ему же о нас со Предтечею молися,/ честным омофором покрывающи// императора и люди от всякия напасти.

6. Стих: Яко у Господа милость и многое у Него избавление:/ и Той избавит Израйля от всех беззаконий его.

Освещается небо и земля, Церковь же светится, и людие вси веселятся: се бо Мати Божия, со ангельскими воинствы, с Предтечею и Богословом, с пророки же и апостолы, невидимо вшедши, за христианы молится Христу, помиловати град и люди, славящия Тоя Покрова праздник.

7. Стих: Хвалите господа вси языцы,/ похвалите его вси людие.

Доброту Тя Иаковлю, и лествицу небесную, по нейже Господь сниде на землю: тех же тогда образи Твою честь и славу, Богородице, проявляху, Тя рождшую Бога всех блажат небеснии ангели, и земнии челоуецы, яко за весь мир молишися, покрывающи милостию, Твой честный совершающих праздник.

8. Стих: Яко утвердися милость Его на нас,/ и истина Господня пребывает во век.

Возсия днесь радостный праздник/ всечестнаго Покрова Божия Матерее:/ днесь бо Царица и Владычица всех,/ руке свои простерши к Сыну Своему молится прилежно,/ просящи мира мирови,/ покрывающи люди от нахождения иноплеменных омофором милости Своея/ и, Тобою хвалящееся, победы на сопротивныя просят/ покрывающееся омофором челоуеколюбия Твоего.

Слава, и ныне, глас 8:

Срадуются с нами умная вся чиноначалия,/ духовно совокупльше чувственный лик,/ видяще Царицу и Владычицу всѣх,/ многоименне верными славиму:/ радуются же и дуси праведных,/ сущии зрителие видения,/ на воздусе молебно простирающе всечестней Своеи руке,/ просящу умирения миру,/ и царем державы и утверждения,// и спасения душ наших.

Вход. Прокимен дне. И чтения три. [Писаны Рождеству Богородицы]

На литии

Глас 3:

Наста днесь пресветлый прáздник,/ Пречíстая Дево, честнаго Твоего Покрóва./ Пáче солнца освещаеши лю́ди,/ véрою от чиста сердца Тебе истинную Матерь Божию испове́дающия,/ и Сы́ну Твоему вопи́ющия:/ Христé Боже, молитвами Присноде́вы,/ чíсто и без истления рóждшия Тя,/ не преда́ждь врагом ратующим Твое достоя́ние,// но яко милостив спаси в мире ду́ши на́ша.

Глас 4:

Хваление Тебе еже по достоянию людие Сына Твоего, Пречистая Владычице, желающе воспети, но не возмогут. Всегда бо всех верных заступаеши, и покрываеши честным Твоим покровом, и молишися спастися всем, верою Тебе, чистую и истинную Богородицу, почитающим.

Глас 2:

Пренепорочную всех Царицу Пречистую Деву сошедшеся, вернии, днесь ублажим Матерь Христа Бога: присно бо к Сыну руце милостивно простирает, Юже и предивный Андрей виде на воздухе, честным Своим покровом люди покрывающую, и Той умильно возопиим: радуйся, покрове и заступление, и спасение душам нашим.

Слава, и ныне, глас тойже:

Смысл очистивше и ум,/ со ангелы и мы торжествуем,/ светло начинающе Давидскую песнь Отроковице,/ Невесте всех Царя Христа Бога нашего,/ воскресни, Господи, глаголюще,/ в покой Твой, Ты, и кивот святыни Твоея:/ яко бо палату красну Сию украсív,/ и причте Ю граду Твоему, Владыко,/ строити и покрывати от сопостатных погáн// державною силою Твоею, моли́твами Ея.

На стиховне. Глас 2:

Яко всех вышши сущи небесных и земных, / херувим славнейши, / и всея твари честнейши, / Тебе заступницу и покров державен / христианскому роду Христос дарова, / покрывати и спасати люди согрешшия, / к Тебе притекающия. / Темже прибежище всем, / Тебе воспоем, Владычице, / и честный праздник Твоего Покрова празднуем светло, // Христа моляще даровати нам велию милость.

Глас 5:

Стих: Слыши, Дщи и виждь, / и приклони ухо Твое.

Воспоим, людие, / светло Давидскую песнь / Отроковице Невесте Божии, / Матери всех Царя Христа: / предста Царица одесную Тебе, Владыко, / ясны златыми одеяна, / и преукрашена божественными лепотами: / Сию бо избранную в женах, / паче всего мира удобрив, / благоизволи родитися от Нея, / великия ради милости: / и Сию помощницу людем Своим дарова, / строити и покрывати от всякия беды рабы Своя, // едину благословенную.

Глас 7:

Стих: Лицу Твоему помолятся богатии людстии.

Гора еси велика и преславна, паче горы Синайския, Богородице: она бо не терпящи снтия славы Божия во образех и сенех, огнем возгарашеся, и громи и молния тамо быша. Ты же всего в Себе Божественного огня суща, Божия Слова во чреве неопально носила еси, манием носящаго вся: и матерне дерзновение к Нему имущи, помози, Владычице, верно празднующим Твой честный праздник, и не забуди милостивно посещающи: прияла бо еси от Бога дар строити и покрывати христоименитое Твое стадо, рабы Твоя.

Слава, и ныне, глас 2:

Яко венцем пресветлым, / Всечистая Богородице, / Покровом Твоим честным Церковь Божия приодеяся: / и светится радуящися днесь, / и тайно ликовствует, Владычице, вопиющи Тебе: / радуйся, одеяние честное, и венче Божия славы: / радуйся, едина славы совершение, и вечное веселие: // радуйся, к Тебе притекающим пристанище и избавление и спасение наше.

Таже тропарь, глас 4:

Днесь, благовернии людие, светло празднуем, / осеняеми Твоим, Богомати, пришествием, / и к Твоему взирающе пречистому образу, умильно глаголем: / покрый нас честным Твоим Покровом, / и избави нас от всякаго зла, / молящи Сына Твоего Христа Бога нашего // спасти души наша. **Трижды.**